

欽定戸部則例

第 函

74  
6643  
57





74  
6643  
57

欽定戶部則例卷九十七



通例一

耕藉

京察

禁認師生

奏留

整飭官方

整飭地方

迴避

同治十三年校刊

戶部則例卷九十七通例

一目錄



引見

司屬職掌

保題司員

題補司員

保送御史

到任限期

開缺定限

掣補倉差

欽定戶部則例卷九十七

通例一

耕藉

一

皇上親行耕藉禮戶部豫期揀派請鞭官二員請犁

官四員照管官二員捧五穀青箱官五員照

管官二員請鞭犁案官四員照管官一員請

五穀青箱案官五員照管官一員

一

同治十三年校刊

戶部則例卷九十七

通例



皇上闕農器穀種前一日戶部堂官率司員等恭設農器穀種於

中和殿祝版案後

寶座前兩案並列中離丈許農器居東鞭前犁後柄俱東向穀種居西五箱依次蓋俱開啟候禮成戶部司員等運至

太和殿階下授順天府官捧出

一戶部請鞭犁官八員於耕藉前一日赴壇內演禮於耕藉之日仍赴

壇內依鞭序序立四員依犁序序立四員候

皇上耕藉禮畢

升觀耕臺將耒耜請至犁亭安設柄北向序立如前



壇內藉田圖式

南



五穀亭

東

犁亭

與八官犁鞭請立

鞭亭

西

北

同治三年校刊

三都列卷九十七

通例

三

殿和殿北設

殿和

寶座

西

案穀五

案鞭犁

東

案版祝


南

殿和太

三都列卷九十七

二





京察

乾隆四十二年奉

上諭向來各衙門保送京察一等人員俱照上次數目比較寧闕毋濫引見時吏部開單進呈候朕閱定於職簡材能之中仍寓慎重激揚之意惟是每次與上屆相較固以防其溢額然或過泥成例此次比上屆少一人下屆又比此次少一人遞行減少勢將無所底止亦非所以示鼓勵嗣後吏部引見進呈比較清單著將上兩次數目一併開列若此次比上屆多一

同治十三年校刊

戶部則例卷之七

通例

四



人而較之再上次數仍相仿即可毋庸裁減將來吏部較核亦以此爲準如此酌中定制既無慮濫膺保薦亦不至屈抑人材著爲令欽此

嘉慶五年奉

諭三載考績始自唐虞至今日則爲京察用人之典至要而選士之方必推氣節未有阿諛諂媚之徒而能有廉明之政者也近年以來六部堂官所拔識之司員大率以迎合己意者爲曉事之人以執稿剖辯者爲不曉事之輩以每日偃謁卑詞巧捷者爲勤慎

以在司坐辦口齒本訥者爲迂拙遂至趨承卑鄙乞憐昏夜白晝驕人仕路頽風幾不可問氣節消磨殆盡成何政體耶近日堂司各官雖比前稍知檢束奔競之風恐未能盡改總由積習相沿狂瀾難返朕思轉移風氣之方須立矜式觀摩之準現已將屆京察之期各部俱應慎重選舉詢謀僉同果有猷守兼優者自應首薦餘則寧取資格較久謹愿樸實之員其少年澆薄才華發越者亦應令其經練下屆再行保列則相觀益善更足以勵後起之俊黜華崇實於政



戶部員例卷之五  
五  
拾不無小補再京察之時尙書侍郎應各備一冊密  
識賢否公議之日再行同覽衆所獎許者拔之衆所  
屏棄者黜之以公心辦公事勿存絲毫私意問心無  
愧斯可對君核辦之時不准司官書吏家人在旁窺  
探亦不准預爲洩露邀譽市恩此旨著通行曉諭各  
錄一通懸於公署朝夕觀覽觸目警心以副朕循名  
責實務得真才之至意特諭欽此

一  
京察三年一次由堂官將所屬現任司員筆帖式

等官從公確查據實詳加考核分別去留填

註考語造具滿漢文冊各一本於三月十五  
日以前密封分送吏部都察院吏科京畿道

### 公同考察

一考察官員有因公出差離衙門在一年以內  
者一體註考若一年以外免其考察出兵官  
員雖離衙門一年以外其應列爲一等者仍  
行保送至近京各工程處派往官員到工未  
及半年者仍歸原衙門註考已過半年者令



各工程處註考如遇陞轉官員無論到任半

年內外俱於新任衙門註考其繙書房行走

人員由繙書房註考太常寺鴻臚寺讀祝鳴贊等官陞任部院衙門

仍兼本寺行走者由本寺註考

一應去官員照六法例開註考語至一等人員

遇有奉

旨保舉之時卽於此項人員內揀選薦舉其下次降

爲二等三等者不准仍行保送若上次定爲

一等者三年內行走平常卽改爲二等三等

原列二三等者三年內知所奮勉卽列爲一

等保送

一官員由別衙門遷轉到任未滿半年該堂官

填註考語有難於覈實者將由原衙門保送

得缺之員列爲二等年滿調京及循例陞調

之員列爲三等此條係專指未滿半年難於覈實者而言若其人才具辦

事堂官素所深知卽循例陞調者亦不妨列爲二等

一考察各官適屆

京察之期年滿離任候補尙未得缺該員舊任已



離新缺未補考察之典未便虛懸仍由原行

走之處註考列為二等筆帖式揀補各處委署主事年滿後遇有

各部院主事缺出吏部具題補授此條專指此項人員年滿離任候補者而言

一考察官員如守清才長政勤年或青或壯或

健稱職者列為一等守謹政勤才平或才長

政平年或青或壯或健勤職者列為二等守

謹才政俱平或才長政勤而守平或年青年

壯年健供職者俱列為三等於此四格之外

再加確實考語移咨考察

一戶部保送

京察一等人員內滿郎中員外郎主事司務共八

十缺准保十一員漢郎中員外郎主事司務

共四十三缺准保六員筆帖式共一百二十

缺准保十五員如不得其人寧缺勿濫

一

京察記名外用人員如有親老者准其自行聲請

留京其餘不得以本衙門辦事需人奏請留

部

同治十三年

戶部則例卷七

通例

凡



一各部院應行保送

京察人員務須覈實甄別如有徇情濫送不必俟

該員到任另有貪酷劣蹟一經

召見看出其人才具平常即將該堂官嚴議

一滿員須清話熟習辦事妥協者方准保列一  
等如不能清話辦事雖好亦不准保

一隨團滿員託故不射布靶查明註冊下屆

京察不准列人一等

一道光七年十月二十七日奉

上諭給事中吳傑奏京察屆期請舉劾並行一摺所奏是京察爲激揚大典現在各省督撫藩臬曾任京職者居多是今日部員之賢否關係他日外省人材之盛衰嗣後各衙門堂官辦理京察務須和衷商確拔取賢才其終年未經到署案件全不留心或奔走僅事趨承文理未能通曉暨浮躁不謹徇庇書役聲名平常者概予甄汰毋得稍事姑容至外任改部人員亦須加意察看其庸碌無能及精力衰頹難望振作者卽應黜革示懲毋任戀棧若勤慎在公實心任事



才堪造就仍不妨據實保列總之人才難得冗濫須  
除惟在各該堂官秉公遴選認真甄別毋設成心毋  
存私見務擇操守廉潔通達治體者列之上考所謂  
惓惓無華日計不足月計有餘吏治自蒸蒸日上矣  
將此通諭知之欽此

禁認師生

道光十九年奉

上諭御史陳光亨奏請飭禁內外臣僚禁認師生一摺  
所言甚是鄉會試考官憑文取士中式者感其識拔  
誼等師生尙屬禮緣義起然在官言官在朝言朝斷  
不可以私廢公至新進士殿試朝考一經館選卽與  
閱卷官認師生已屬非是若京察一等大計卓異者  
概與堂官上司認師生是身荷簡擢之恩心感保舉  
之力受爵公朝拜恩私室甚非國家考績求賢之義



戶部員例卷之七  
至近來外省風氣州縣輒與府道認師生府道輒與督撫認師生是以勢利爲結納拜門下者品已不端難保不恃門生之情面專事請託假上司之聲勢相與招搖種種夤緣皆由此起又安望其持正秉公各盡職守耶嗣後內外臣工總當守分勵品斷不准藉師生稱謂以爲攀援干進之階至部院大臣及各省督撫等尤當正己率屬以人事君遇有藉端干謁者卽行面爲屏斥概不准因遜詞卑禮稍事姑容庶屬吏共知敦品用以杜奔競而肅官方將此通諭知之

奏留

一凡丁憂服滿病痊假滿開復坐補人員必經奏留始准在部行走遇題選應補缺出行查吏部覆准奏補如原係題選統補人員遇有應題應選缺出仍准題補如本係專補選缺之員概不得兼以題缺奏留仍以應咨應留選缺奏補其未經補缺者例不給俸詳虞祿門其未經奏留者歸吏部投供銓補

一開復奏留人員須查明該員緣事本案係屬



公過且平日實有勞績可據均於摺內聲敘  
候

旨酌定不得紛紛瀆請以杜夤緣至奏留後論資補  
用惟本案開復及

特旨開復人員仍歸本衙門行走者除覈扣離任日  
期外准其核算前資

一滿漢坐糧廳員凡屆報滿應行更換之期俱  
不准奏請留任

一大考翰詹等官改補主事人員籤分各部行  
走一體給與正俸如勤奮供職熟悉部務自  
堂官隨時甄別留部以奏留日期與各項留  
部人員較奉

旨日期先後補用



整飭官方

同治九年十一月二十日奉

上諭醇郡王奏瀝陳下情請振積習以濟大局一摺  
方今時事孔亟軍務未平籌餉徵兵重煩民力宵  
旰焦勞恆以自強不息爲念內外文武臣工均應  
力戒因循勉圖振作迺近來各直省督撫及統兵  
大臣實心任事者固不乏人而苟且偷安者亦復  
不少以致軍務未有了期吏治毫無起色在廷諸  
臣亦復泄沓成風末能力圖補救共挽時艱醇郡



王賢親並著休戚相關謹論忠言與朝廷兢惕之心適相脗合嗣後內外文武臣工其各振刷精神破除積習戎行何以整飭官方何以澄敘民生何以乂安務當精白乃心實事求是俾庶政修明日臻上理用副誥誥諄諄至意欽此今擬恭載

整飭地方

同治十年八月二十五日內閣奉

上諭翰林院代奏編修吳鴻思敬陳管見各摺片不無可採整飭風俗爲地方之要務乃各省秀民竟有傳習燈花教白蓮教青林教諸名目蠱惑愚民亟應隨時查禁有犯必懲士子身列膠庠尤當恪遵軌範著各直省督撫學政責成各學教官認真訓戒如有不遵約束卽行從嚴懲治軍興以來招募勇丁於遣撤後結會聚黨滋生事端所在多有



並著嚴飭地方官實力稽查遇有恃眾擾害地方  
肆行不法者立即嚴拏懲辦不得諱飾輕縱以清  
亂源各省大小官員賢否不齊全在舉劾公允方  
於吏治有裨該督撫務當破除情面悉心考覈俾  
屬員知所勸懲至特旨交查事件及京控提訊之  
案尤當秉公覈辦毋許瞻徇迴護常平等倉存儲  
穀米本爲豫備凶荒而設從前動用未經買補者  
著各省督撫詳細查明務須筆叢備足額毋任虧缺  
其地方善舉如設廠施粥等事亦當勸諭紳民集

資興辦以裕民生間閭疾苦朝廷時深軫念該督  
撫等如有所見卽行據實奏聞等因欽此今擬恭  
載



迴避

一在京各部院尚書侍郎以下小京官以上嫡

親伯叔兄弟若在同衙門令官小者迴避同

衙門補授同官應迴避者令後補者迴避祖

孫父子名分攸關係堂官概令司員以下迴

避係同官無論後補及官小者概令子孫迴

避此外宗族概不迴避外姻親屬中母之父及兄弟妻

之父及兄弟已之女婿嫡甥若在同衙門分

係堂司令官小者迴避此外親屬中妻之姊妹夫本身兒女姻親



中表兄弟子婦之親兄弟概不迴避如係同官無管轄考核之

責免其迴避戶部總理錢糧刑部總理刑名所屬司員有應行迴避之宗族陞調至所莅司分之省在藩臬以上者該堂官卽令調司行走咨報吏部註冊將來陞遷事故仍照原授底缺辦理出差人員有陞至同衙門者俟差竣之日再行令其迴避如題咨迴避之時適遇迴避之上司陞調他處及緣事離任該員已非其所屬無可迴避除員缺業經另選

毋庸置議外如缺出未補卽不必開缺令其仍留原任

一部院衙門筆帖式有嫡親伯叔兄弟補放本衙門堂司各官者均令筆帖式迴避若同係筆帖式令後補者迴避至祖孫父子名分攸關除補放堂官者照舊令筆帖式迴避如係司員及品秩稍有大小概令孫避其祖子避其父又外姻親屬中母之父及兄弟妻之父及兄弟已之女婿嫡甥有補放本衙門堂官



者亦令筆帖式迴避若係司官並同係筆帖

式毋庸迴避理藩院蒙古筆帖式係陞轉本院之缺

仍照舊例毋庸迴避至繕本筆帖式庫使二

項均係行走年滿各歸本班以各衙門筆帖

式銓補與現任筆帖式不同其有祖孫父子

親伯叔兄弟補授同衙門同官者均毋庸迴

避俟銓補得缺時再令迴避其迴避之員入

於先行補用班內俟有本旗缺出按照日期

先後補用捐納分部學習人員如同係筆帖

式亦令後至者迴避至候補候選人員於掣

籤日先行呈明迴避照現任人員迴避之例

一體銓選分部學習各員另行改掣行走

一滿員派兼俸餉現審事務令迴避本旗掌印不在

此漢員令迴避本省司分至福建司兼管直

隸錢糧現審處審理直屬民人與旗人交涉

田房詞訟井田科管理直屬民人租種入官

旗地房屋事件直隸人一體迴避山東司兼

管奉天錢糧奉天人一體迴避

同治十三年校刊

戶部則例卷之七 通例

六



一司員內有現充鹽商及該員嫡親伯叔兄弟  
現充鹽商者俱不准選補戶部其鹽商之堂  
兄弟以下遠近宗族俱不准選補山東司

引見

嘉慶二十一年奉

上諭向來各項引見人員內有大員子弟皆不聲明朕  
無由知悉逮簡用後其父兄具摺謝恩朕始知之嗣  
後無論京察軍政及京外各項引見人員內凡滿漢  
文武二品以上大員之子弟俱著自行呈報引見時  
於緣頭籤內註明如有漏報者查出交部議處欽此  
嘉慶二十四年奉

上諭嗣後引見及射布靶滿漢官員其祖父係一二品



大員者無論原任現任皆於籤內註明其兄弟現任  
一二品大員者亦於籤內註明欽此

一文武衙門帶領引

見俱於次日述

旨其應行謝

恩人員於次日具摺謝

恩

一凡應行題補之缺由堂官擬定題補人員以  
出缺後限二十日內帶領引

見如遇有不合例事故須輾轉行查者定限三十日

內帶領引

見

一戶部應自行帶領引

見之員准以人文齊備統限三十日內帶領如有不  
能依限帶領之處卽自行知照稽察各衙門  
以憑查覈

一滇黔二省同知通判知州知縣直隸州州同  
州判等官委解銅鉛點錫到京差竣並無掛



欠者由戶部查照該督撫原出考語具奏引

見有掛欠者不准帶領

府屬州同州判布按二司首領經歷縣丞以下佐雜官不

在引

見之例其押運漕糧官員除年例抵通倉

場侍郎咨送者由吏部引

見外若經漕運總督專摺保奏之員並由戶部引

見

一解員到部差竣例得引

見者無論前次引

見已滿二年未滿三年一體帶領

### 司屬職掌

江南清吏司掌稽江甯江蘇安徽三布政使

司民賦收支奏冊

道光元年以前造送之被災蠲豁花名冊賑濟戶口

冊驛站奏銷冊册馬奏銷冊江甯京口四季

放過兵餉清字冊京口官兵馬匹年貌冊文

武任卸冊册扣皮贓銀兩數

目冊均於道光二年奏刪江甯蘇州織造

支銷奏冊綜理每歲月選文武官在部借支

養廉已未扣完總數年終彙奏各省已未完

結地丁案件

額設滿漢郎中各一缺滿員外郎三缺漢員外郎一缺滿漢主

事各一缺內滿漢員外郎各一缺滿

主事一缺由部保題餘歸吏部銓選



一貴州清吏司掌稽貴州布政使司民賦收支

奏冊

道光元年以前造送之被災蠲豁花名冊賑濟戶口花名冊驛站奏銷冊解過

飯銀冊書役著役年貌籍貫冊武職到任日期冊各屬存儲廢鐵器械冊文職到任日期冊各標鎮協營修理衙署冊修理軍裝火藥局房冊修理哨塘船隻冊都江廳官兵花名冊撫標官兵花名冊

均於道光二年奏刪 兼覈崇文門左翼右翼坐糧廳山海關張家口殺虎口天津關臨清

關蕪湖關淮安關揚州關許墅關鳳陽關西

新關九江關贛關北新關太平關江海關浙

海關閩海關粵海關各稅課

額設滿漢郎中各一缺滿員外郎

郎三缺漢員外郎一缺滿漢主事各一缺內

餘歸吏部銓選

一陝西清吏司掌稽陝西甘肅二布政使司民

賦收支奏冊

道光元年以前造送之被災蠲豁花名冊賑濟戶口花名冊武

職領扎冊修理監獄冊陝甘二省存儲軍械細數冊文武任卸日期冊修理衙署冊修理軍裝一切器械冊修理墩汛

營房冊均於道光二年奏刪 新疆屯防經費

兼覈江蘇安徽江西浙江湖北湖南甘肅四

川雲南貴州等十省行銷茶引在京漢官俸廩外藩俸幣及巡捕五營俸餉各衙門經費



額設滿郎中一缺蒙古郎中一缺漢郎中一缺滿員外郎三缺滿員外郎一缺滿漢主事各一缺內滿漢郎中各一缺滿員外郎一缺漢主事一缺由部保題餘歸吏部銓選

一湖廣清吏司掌稽湖北湖南二布政使司民

賦收支奏冊

道光元年以前造送之被災蠲豁花名冊賑濟戶口花名冊驛站奏銷冊實在官兵馬匹冊文武職官任卸日期冊均於道光二年奏刪湖北省

武昌廠稅課綜理直省每歲耗羨錢糧出入

章程

額設滿郎中二缺漢郎中一缺滿員外郎二缺漢員外郎一缺滿主事一缺漢主事一缺內滿漢主事各一缺由部保題餘歸吏部銓選

一浙江清吏司掌稽浙江布政使司民賦收支

奏冊

道光元年以前造送之被災蠲豁花名冊賑濟戶口花名冊解過飯銀冊文武任卸冊實在官兵馬匹冊修理工程冊吏攬年貌籍貫冊漁船三聯門牌冊書識花名冊旨役花名冊驛站奏銷冊均於道光二年奏刪杭州織造支銷奏冊

綜理直省每歲民數穀數

額設滿漢郎中各一缺滿員外郎二缺漢員外郎一缺由部保題餘歸吏部銓選

一山東清吏司掌稽山東布政使司及

盛京民賦收支奏冊

道光元年以前造送之被災蠲豁花名冊賑濟戶口花名冊册馬奏銷冊各省鹽務項下每年咨送商名册解過飯銀冊驛站奏銷冊兩淮每年送部吉安四季水程冊兩淮每年送部行過事蹟冊各省鹽務項下書吏著役冊長蘆商捐



家巷兵丁支過養贍冊直隸鹽運出坨入  
 坨日期冊撥解將軍養廉奉到部覆冊兩浙  
 江蘇場船隻門牌冊運鹽柴滿船冊各場所  
 船隻門牌冊福建場員履歷冊福建四川支  
 給貧難養贍冊各省領鹽引冊河東經徵鹽  
 課非一官全完不應議敘冊山東徵收停止  
 武職鹽規冊文武各官到任卸事冊正身官  
 役花名冊河標各營實在官兵馬匹數目冊  
 書役花名及著役年貌籍貫冊均於道光二年奏刪  
 兼覈長蘆兩淮兩

浙福建河南山西陝西甘肅四川兩廣雲貴

等處鹽課及行放參票數支八旗大臣官員

養廉 額設滿郎中二缺漢郎中一缺滿員外  
 郎三缺漢員外郎一缺滿漢主事各一  
 缺內滿漢郎中各一缺滿員外郎一缺  
 漢主事一缺由部保題餘歸吏部銓選

一廣東清吏司掌稽廣東布政使司民賦收支

奏冊 道光元年以前造送之被災蠲豁花名  
 冊賑濟戶口花名冊出洋捕盜弁兵口

糧冊鄉試經費冊鎮標各營公費報銷冊廣  
 州將軍衙門徵收郡房租銀季報冊廣州駐  
 防病故官兵孀婦支過半餉銀米季報冊文  
 武各官公捐銀兩報銷冊越華書院並地藏  
 菴經費報銷冊文武各官交卸日期出身履  
 歷冊承追贖贖銀未完報參及續完開復  
 各冊驛站錢糧題銷冊各營朋扣銀兩題銷  
 冊廣州駐防喂養官馬題銷冊廣州駐防  
 庫動用籌備軍裝銀兩題銷冊各項修造  
 工程完竣報銷冊均於道光二年奏刪  
 兼

核八旗繼嗣歸宗並經理通部漢堂司官遷  
 除差缺及更換各鈔關京通各倉監督等事



額設滿漢郎中各一缺宗室員外郎一缺滿  
員外郎二缺漢員外郎一缺滿漢主事各一  
缺內滿漢員外郎各一缺滿主事  
一缺由部保題餘歸吏部銓選

一山西清吏司掌稽山西布政使司民賦收支

奏冊

道光元年以前造送之被災蠲豁花名  
冊賑濟戶口花名冊驛站奏銷冊武職

任卸日期冊文職任卸日  
期冊均於道光二年奏刪 兼核游牧察哈爾

正紅鑲紅鑲藍三旗及正黃半旗地畝綜理

直省每歲錢糧出入總數

額設滿漢郎中各  
一缺滿員外郎一

缺蒙古員外郎一缺漢員外郎一缺滿漢主  
事各一缺內漢員外郎一缺由部保題餘歸

吏部  
銓選

一福建清吏司掌稽直隸福建二布政使司民

賦收支奏冊

道光元年以前造送之被災蠲  
豁花名冊賑濟戶口花名冊驛

站奏銷冊直督加造本年地丁方冊直督加

造節年地丁方冊實在官兵馬匹冊滿椿馬

匹冊牧廠殘廢馬駝牛羊變價冊宣化鎮各

營火藥工料冊舖司花名冊獨石口縣丞支

放兵丁月米冊文職任卸日期冊解過飯銀

冊各項工程報銷估需工料冊朋馬奏銷冊

世職人員總圖冊葛沽等營驗放海口出入

船隻冊武職任卸冊均於道光二年奏刪

兼核游牧察哈爾正白鑲白鑲黃正藍四旗

及正黃半旗地畝

額設滿郎中二缺漢郎中  
一缺滿員外郎五缺漢員

外郎一缺滿主事一缺蒙古主事一缺漢主  
事一缺內滿漢郎中各一缺滿員外郎一缺



漢主事一缺由部保題餘歸吏部銓選

一江西清吏司掌稽江西布政使司民賦收支

奏冊

道光元年以前造送之被災蠲豁花名冊賑濟戶口花名冊驛站奏銷冊差兵

盤費冊朋馬奏銷冊各屬修理火藥局庫冊解過飯銀冊節烈婦建坊冊修理衙署等頂

估需工料冊各案完結贖冊文武任卸日期冊均於道光二年奏刪

省每歲協撥餉銀總數

額設宗室郎中一缺漢郎中一缺滿員外郎二缺漢員外郎一缺滿漢主事各一缺內

漢員外郎一缺由部保題餘歸吏部銓選

一河南清吏司掌稽河南布政使司民賦收支

奏冊

道光元年以前造送之被災蠲豁花名冊賑濟戶口花名冊驛站奏銷冊各營

月報武職任卸日期冊各營官兵年貌冊均於道光二年奏刪

兼覈游牧察

哈爾及圍場捕盜官兵俸餉總理直省歲報

額設滿漢郎中各一缺滿員外郎二缺漢員外郎一缺滿

漢主事各一缺內滿主事一缺由部保題餘歸吏部銓選

一雲南清吏司掌稽雲南布政使司民賦收支

奏冊

道光元年以前造送之被災蠲豁花名冊賑濟戶口花名冊追獲贖銀兩冊

私鹽變價銀兩冊歲修塘房銀兩冊朋馬奏銷冊驛站奏銷冊修理衙署倉監工料冊開

化鎮土鍊花名冊文武各官任卸冊各廠領欠工本冊名冊歲修瀘江工料冊歲修金汁

等河工料冊遣犯年貫情罪冊贖朋扣皮贖銀兩冊浙江省漕項分忙屬冊各衛帮字



識官役花名冊糧船保單門牌冊江蘇省咨  
送過淮日期冊江安各衛糧領運各弁甄別  
冊准倉呈送奏銷冊山東省挑挖衛河  
夫價器具銀兩冊均於道光二年奏刪 本省

銅廠開採總理山東河南安徽江蘇江西浙

江湖廣奉天等省歲運漕糧京通倉儲及江

寧徐州淮安鳳陽臨清德州常豐等倉收支

額設滿郎中二缺漢郎中一缺滿員外郎三  
缺漢員外郎一缺滿漢主事各一缺內滿漢  
郎中各一缺滿員外郎一缺漢主  
事一缺由部保題餘歸吏部銓選

一四川清吏司掌稽四川布政使司民賦收支

奏冊 道光元年前造送之被災蠲豁花名  
冊賑濟戶口花名冊修理各項工料冊

武職員弁調拔履歷冊年終造報兵丁花名  
冊文武任卸日期冊兵部題銷驛站冊均於  
道光二年奏刪 本省夔關打箭爐關稅兼覈在京入

官戶口召買支應象房草束綜理直省每歲

收成分數各衙門歲領綢帛紙硃 額設滿漢  
郎中各一

缺滿員外郎二缺漢員外郎一缺滿漢主事  
各一缺內漢郎中一缺由部保題餘歸吏部  
銓選

一廣西清吏司掌稽廣西布政使司民賦收支

奏冊 道光元年前造送之被災蠲豁花名  
冊賑濟戶口花名冊驛站奏銷冊修理  
衙署工料冊修理倉廩工料冊修理監獄工  
料冊修理軍裝帳房等項工料冊均於道光



二年  
奏刪  
及本省溥楮兩廠稅課兼覈寶泉局各

省局鼓鑄錢法京省銅鉛點錫解運內倉支

應芻豆  
額設滿漢郎中各一缺宗室員外郎一缺漢員外郎三缺漢員外郎一缺

滿漢主事各一缺內滿漢員外郎各一缺  
滿主事一缺由部保題餘歸吏部銓選

一南檔房掌八旗編審暨通部滿堂司官遷除

差缺等事收掌堂行印簿  
額設滿洲堂主事二缺均歸吏部銓

選

一北檔房掌酌撥餉銀繕寫校勘題奏本章  
額設

滿洲堂主事二缺歸吏部銓選漢軍堂主事一缺吏部會同戶部揀選奏請補授

一司務廳掌掛外省投部文移呈詞承收各省

委解銀兩顏料緞疋等項文批  
詳見收受及文移條

在部吏役承充退差按月點名驗到等事並

掛驗在京稅務文移其在京各衙門文移另

投當月司收文處  
額設滿漢司務各一缺均歸吏部銓選

一八旗俸餉處掌在京八旗官兵俸餉兼管選

送秀女  
給有關防與經制省司同在事司員筆帖式由堂官遴委無定額

一井田科掌直隸省旗圈地畝入官田租及旗

民地畝交涉事件  
給有關防與經制省司同在事司員筆帖式由堂



官遴委  
無定額

一八旗現審處掌旗民交涉戶口田房詞訟給

關防與經制省司同 在事司  
員筆帖式由堂官遴委無定額

一督催所掌稽通部文移註銷給有關防與經  
制省司同 額

委司員滿漢各二員一年更代  
筆帖式隨委無定額無更代

一捐納房掌稽生俊報捐貢監職銜

封典事例及現任官捐復因公降級留任處分遇暫  
開捐

例並交覈辦額委滿漢司官各六員俱二年  
更代仍調度年分使新舊相間俾資熟手並  
於十二員內揀派滿漢各二員主稿用主稿  
司分之印以專責成額委筆帖式八員俱一

年更  
代

一飯銀處掌稽通部額定飯銀出入額委滿漢  
司官各二

員二年  
更代

一通部筆帖式滿洲一百缺蒙古  
四缺漢軍十六缺分派各司專

掌繙繹清文稿件齎投軍機處內務府文移

通部輪流當月其當月期內取送堂印鑰匙

呈送堂官應閱進

呈本單仍每司每晚輪派一員在署值宿每歲行走  
勤惰由該司司員註考呈堂京察舉劾並由



司員呈送

一凡請領工程銀兩如係京通各倉工程由雲南司承辦八旗各項工程由俸餉處承辦其餘一切工程均歸福建司辦理

請領章程另詳專條

一京旗坐落

盛京地畝事件遇有轉行歸山東司遇有審訊歸現審處如係

盛京戶部取結之案京旗出結到部由山東司付查現審處如無控案由山東司轉行如有控案以及轉行後又有控案均由現審處調案辦理



保題司員

一遇有應行保題缺出於截缺以前截缺之期

三十日漢員將員缺扣留擬定正陪人員一

併咨查吏部並知照各科道俟吏部查明合

例該堂官即行保奏將所出之缺應行題補

之處於摺內詳細聲明帶領引

見不得過截缺之期始行咨留倘應題之員奉差在

外該堂官另行保題如別無合例人員專摺

奏明俟差員回京帶領引

同治十三年校刊 戶部司列卷九十七 通例



見至應題之員未經引

見遇有事故而並無合例人員堪以另保者咨送吏

部銓選

一宗室司員題

京察之年由掌官分別出考如有保列一等者一

體帶領引

見毋庸保送外省府道

一宗室司員與滿洲司員一體保送三庫稅差

坐糧廳倉差戶工二部錢局監督三庫檔房

主事等差

一戶部滿漢司員筆帖式等官遇有應行題陞

缺出暨各項應保差缺先儘

京察一等人員如一等無人或一等之員遇有事

故及始勤終怠者方准以二等人員題陞保

送

京察一等人員除員外郎任內一等准其先儘題

陞郎中其主事任內一等人員未記名外用



已陞員外郎者不得將一等牽算先儘陞用

郎中

一各處跟隨駐扎大臣辦事之筆帖式等官年

滿回京引

見指定部院後照新進士之例學習三年如果妥協

該堂官保題過缺坐補平等者咨吏部補用

再該員等未經得缺以前或遇有降調處分

卽飭令回旗移咨吏部辦理不得仍在該衙

門行走

一漢郎中二年俸滿截取甄別堪勝繁簡知府

秉公保送如才具平常郎中本任內

京察三等者不得保送其由別衙門遷轉到任未

滿半年循例列為三等詳見京察條內者至俸滿

截取時仍照例甄別准其保送知府

一主事

京察列入三等者不准保送直隸州知州

一漢郎中補放坐糧廳監督停其論俸截取俟

差滿回任再行辦理其實泉寶源二局監督



局差未滿以前一屆俸滿卽照例截取

一員外郎以下各項出差人員遇有本衙門應題缺出停其保題

一題升郎中定例連閏實歷俸次二年方准截取其有未屆俸滿適因丁憂事故離任距俸滿在半年以外者俟補官日接算前俸截取距俸滿不及半年者俟補官日扣足半年再行截取如由勞績保舉作爲歷俸期滿查其食俸已及半年者卽以奉

旨之日作爲俸滿日期按照郎中二年俸滿之例辦理至由各衙門保升郎中籤掣本部補官後得有保舉作爲歷俸期滿者仍以補官後到任之日爲始扣足半年再由吏部截取照例保送



題補司員

一 遇應行保題陞用各司員缺出 應題各缺詳見司屬職掌

係 該堂官遴選所屬每缺二人咨查吏部俟

吏部查與例符擬定正陪出具考語具奏引

見恭候

簡用

一 戶部滿郎中員外郎選缺咨查留壹其應留

缺內定為留補貳次題陞壹次其漢郎中員

外郎選缺第一留補第二留題第三咨選至

同治十三年校刊

戶部則例卷九十七通例

三五



應留缺內如候補無人專以應陞人員題陞  
至學差任滿服滿假滿本案開復四項候補  
人員以及

特旨補用並保舉無論題選咨留人員遇有選缺不

積咨留

同治十年  
吏部奏在

一題補之缺於出缺之日起限十日內移咨吏  
部吏部按限查覈後限十日內帶領引

見仍於引

見後將日期知照吏部及稽查各衙門如有不能依

限帶領之處卽行知照稽查各衙門查覈

- 一漢主事除題缺外選缺由本部扣留者計至
  - 五缺時吏部扣缺歸選其各部扣留之缺進
  - 士學習期滿人員與捐納分部報滿者仍照
  - 例通發奏留日期挨次題補如捐納分部奏
  - 留人員積有數人而進士學習期滿人員均
  - 在其後仍與在後報滿進士分部人員相間
- 輪補

一戶部應選主事缺出留補四缺之後至第五



缺卽截歸吏部銓選如將學差任滿服滿假滿以及本案開復等四項候補人員奏留原衙門題補者仍照例不積缺外其餘無論由何項候補之員題補者悉應一體積缺

一分部額外學習進士三年期滿後該堂官秉公甄別其諳習部務者卽奏留本部以主事用仍按其甲第名次遇缺保奏引

見指缺補用若於部務未甚熟練才具尙可造就

堪勝民牧者奏明以知縣用歸入進士原班吏部按其甲第

名次如才具平常不能留心部務者奏明移

咨吏部以國子監監丞助教等官補用或有情願

就教者於吏部呈明以教職改補

一在部學習期滿進士選拔貢生捐納議敘主事俱自期滿奏留之日爲始庶吉士散館以主事分部行走候選人員及現在小京官中式進士以部屬用並現任小京官由各該處奏明分部補用留部陞用人員俱自奏准到部之日爲始除去告假等項事故計其實在



行走日期按其應得題選各缺一體統較先後挨次題補

一入選拔貢分部在七品小京官上學習行走者給與正俸扣滿三年該堂官確加考覈如果行走勤慎留心部務奏明留部授為七品小京官食俸辦事儻於部務未能諳習即奏明移咨吏部滿員以七品筆帖式用漢員以直隸州州判復設教諭二項聽其就職銓補至給銜留補之員歷俸又滿三年該堂官覈

加甄別堪內用者保奏引

見作為額外主事宜外任者咨送吏部以通判用其作為額外主事之員再滿三年方准作為報滿主事與各項報滿人員一體較先後補缺陞用其或行走平常亦即據實奏明如係滿洲人員以從七品小京官內閣中書酌量改補漢司員以各衙門正從七品小京官內閣中書酌量改補

一進士分部學習及捐納議敘人員俱應到部



實歷三年期滿方准奏留

一 郎中員外郎遇有應留選缺本衙門候補無

人准將應陞之員外郎主事題陞

一 額外司員保舉無論題選咨留遇缺即補及

勞績保奏奉

旨以本部郎中員外郎主事遇缺儘先郎補著俱仍

俟學習三年期滿奏留後始准照章以應得

題選咨缺奏補其候補人員勞績保奏以遇

缺儘先郎補者遇留補選缺先按保舉班次

補用一員再按資俸次序補用一員相應輪

用如遇題缺及例應留題選缺查係題選統

補人員仍照例由堂官與應升應補人員酌

量保題



保送御史

同治四年奉

上諭前因御史譚鍾麟奏請申明保送御史定例一  
摺當經諭令吏部議奏茲據該部奏稱向來御史  
保送後有犯貪污劣蹟原保堂官例無議處明文  
惟保送時各衙門皆得遴員咨送實與京察體制  
無殊自應比例定擬以專責成等語御史爲朝廷  
耳目之官職司彈劾較之京察保送人員更須認  
眞遴選著各部院衙門嗣後保送御史毋得但計

同治三年校刊

戶部則例卷七 通例

四



資俸務須認真考覈選擇得人如保送後有犯貪  
污劣蹟者即將原保之堂官比照京察保送不實  
例由該部奏明議處如能訪出揭叅者免議此旨  
並著該部纂入則例通行知照欽此

一各衙門保送滿漢御史初次引

見未經記名者下次不得再行保送

一保送御史其年齒過輕人員不得率行保列  
如年逾耆艾精力尚強者仍准保送以六十  
五歲爲率過此不准

一凡父兄在京現任三品以上京堂在外現任  
督撫其子弟現任司員者均不准保舉御史  
一漢御史缺出于正途出身及由廕生陞補之  
郎中員外郎內揀選保送捐納歲貢不在作  
正途保送



到任限期

一在京滿漢月選官員無論初任陞任俱以吏部具題奉

旨之日起定限十日內到任如引

見補放無庸具題人員以接奉部咨日起亦定限十日內到任均於到任五日內咨報吏部查核



開缺定限

一凡本部陞轉降調革職迴避病故官員缺出

若遇截缺之期即日知照吏部其餘均於五

日內行文吏部開缺

滿官每月三十日截缺  
漢官每月二十日截缺

奉帖式每月  
十五日截缺

一現在京官可憂令本員於次日呈報本衙門

即於呈報之日先行白片咨報吏部如有遲

延卽照例議處



掣補倉差

一京通倉滿漢監督差缺將

記名人員咨送吏部查明各員底俸深淺行知戶部  
 註冊挨次坐補儻食俸有月日相同者傳該  
 員等掣定名次先後毋許攙越至得缺之日  
 或該員實在患病告假即准次員先補俟差  
 滿仍令告假之員坐補原缺以杜規避儻舊  
 監督有同日任滿者亦令接補之員掣籤分

補



一名倉滿漢監督缺出如應補人員現派出差  
將該員暫行扣除俟差竣後遇有缺出卽以  
該員坐補

一京通倉滿漢監督各衙門咨送倉場委用人  
員如因迴避仍回原衙門當差者俟將來迴  
避人員任滿仍以倉差補用



